

## Zanat

[Lehre]

### Opće / Opšte informacije

„Zanatski učenici su osobe koje na osnovi ugovora o naukovanju izučavaju zanat kod jedne od stručnih osoba, a koja se u okviru ove naobrazbe / ovog obrazovanja i zapošljavaju.“

### Preduvjet

Preduvjet za izučavanje zanata je završeno opće / opšte osnovno školovanje u trajanju od 9 godina. Pristup odabranom zanatu ne ovisi o vrsti pohađane osnovne škole.

Nije moguće svaku profesiju izučiti u obliku zanata, nego samo one koje se nalaze na popisu svih zanata u Austriji. Na dotičnom popisu su pribilježeni i vrijeme trajanja stručne naobrazbe / stručnog obrazovanja kao i pozivi srodni pojedinim zanatima.

Stručna naobrazba / Stručno obrazovanje organizirano je prema principu dualnog sistema. To znači da se naobrazba / obrazovanje realizira na dva mjesta:

- u obrazovnim pogonima (oko 80 posto sveukupnog trajanja stručne naobrazbe / stručnog obrazovanja) i
- zanatskim školama (oko 20 posto sveukupnog trajanja stručne naobrazbe / stručnog obrazovanja)

### Ugovor o naukovanju

Ugovor o naukovanju treba se zaključiti u pismenom, četverostrukom izdanju između zanatskog učenika i stručne osobe. Maloljetnicima je dodatno potreban i potpis jednog od roditelja odnosno skrbnika / staratelja.

### Dokumenti koje morate donijeti:

- Svjedodžba / Svedočanstvo za zadnji razred škole
- Dokaz o eventualno već završenoj stručnoj naobrazbi / završenom stručnom obrazovanju
- Potvrda o zdravstvenoj ispravnosti (Gesundheitszeugnis), potrebna samo za određene pozive

### Državljanima zemalja koje nisu članice zemalja EU dodatno treba:

- Petogodišnja radna dozvola (Befreiungsschein) ili
- Dvogodišnje odobrenje za rad (Arbeitserlaubnis) ili
- Radna dozvola ograničena na najdulje / najduže jednu godinu (Beschäftigungsbewilligung)

Obrazovni pogon mora prijaviti zanatskog učenika na privrednoj komori. Na osnovi navedene prijave tamo se izrađuje ugovor o naukovanju, a nakon potpisa od strane ugovornih partnera se i protokolira.

## Trajanje stručne naobrazbe / stručnog obrazovanja

Uobičajeno je da se ugovor o naukovanju zaključuje na vrijeme trajanja stručne naobrazbe / stručnog obrazovanja, koje je već unaprijed određeno (dvije do četiri godine).

**Skraćenje** trajanja naobrazbe / obrazovanja dolazi u slijedećim slučajevima u obzir:

- Priznavanje već završene stručne naobrazbe / završenog stručnog obrazovanja na području iste ili srodne profesije. Na popisu zanatskih zanimanja točno je određeno u kojem razmjeru se takva priznavanja mogu izvršiti.
- Skraćenje trajanja naobrazbe / obrazovanja nakon već završenog prvog zanata: osobe koje su već izučile jedan zanat ili završile stručnu školu u trajanju od najmanje 3 godine odnosno općeobrazovnu / opšteobrazovnu školu mogu izučiti svaki zanat (trajanja od najmanje 3 godine) čije trajanje se skraćuje za jednu godinu.
- Priznavanje „predzanatske obuke“ („Vorlehre“)
- Priznavanje sadržaja prethodnog školovanja: ovisno o vrsti prethodnog školovanja i postignutom uspjehu moguće je djelomično priznavanje sadržaja za stručno srodna zanatska zanimanja.
- Priznavanje zanatske obuke završene izvan Austrije

## Kraj zanatske obuke

Zanatska obuka završava točno na dan koji je utvrđen ugovorom o naukovanju. Ukoliko dotični uspješno položi završni zanatski ispit prije ugovorom utvrđenog termina, onda zanatska obuka završava krajem tjedna / sedmice u kojem / kojoj je predmetni ispit položen.

Nakon završetka zanatske obuke zanatski učenik ima mogućnost korištenja tromjesečnog tzv. „vremena nakon završetka zanata“ (Weiterverwendungszeit / Behaltezeit). Otkaz od strane poduzeća / preduzeća moguć je tek nakon isteka ovog roka. Zanatski učenik dapače u svako doba može dati otkaz.

## Zanatska škola

Zanatski učenik je za vreme postojećeg radnog odnosa u pogonu obvezan pohađati zanatsku školu.

Ovisno o strukturi školske nastave razlikuje se između:

- Cjelogodišnje zanatske škole (Jahresberufsschulen) – nastava se održava tokom cijele godine jedan do dva dana tjedno / sedmično
- Kombinirane zanatske škole (Lehrgangsbberufsschulen) – nastava se održava u blokovima trajanja od osam do deset tjedana / sedmica raspoređenih kroz cijelu godinu

U zanatskoj školi se prije svega uče teoretske osnove kao dopuna radu u poduzeću / preduzeću. Ujedno se nude i predmeti stručne prakse (npr. radionice, laboratorij) i općeobrazovni / opšteobrazovni predmeti (politička naobrazba / političko obrazovanje, strani jezici). Nastava na zanatskoj školi (uključujući dopunsku nastavu i školske manifestacije) priznaje se isto kao radno vrijeme u poduzeću / preduzeću.

## Radno vrijeme, vrijeme odmora, odmor

### Radno vrijeme

Mladi do 18. godine ne smiju raditi više od 40 sati tjedno / sedmično. Rad nedjeljom i praznicima kao i noćni rad (od 20 do 6 sati ujutro) nisu dozvoljeni.

### Vrijeme odmora

Mladima do 18. godine mora se najkasnije nakon šest sati rada omogućiti pauza od najmanje pola sata. Dalje im pristaje neprekidan noćni mir od 12 sati kao i neometan vikend od dva uzastopno slobodna dana.

### Odmor

Zanatskom učeniku pristaje godišnji odmor od 30 radnih dana (ponedjeljak do subote) odnosno 25 radnih dana (ponedjeljak do petka).

## Plaća / Plata zanatskih učenika

Zanatskom učeniku pristaje mjesečna (ili tjedna / sedmična) plaća / plata čija visina podliježe odredbama kolektivnog ugovora.

## Prestanak zanatske obuke

U prosjeku zanatska obuka završava po isteku ugovora odnosno krajem tjedna / sedmice u kojem / kojoj je položen završni zanatski ispit.

Prijevremeni prekid zanatske obuke mora se zatražiti pismeno. U slučaju prijevremenog prekida zanatske obuke od strane maloljetnog zanatskog učenika dodatno su potrebni i potpisi roditelja odnosno skrbnika / staratelja.

### Prekid za vrijeme trajanja probnog vremena:

Prva tri mjeseca zanatske obuke smatraju se probnim vremenom. U slučaju da zanatski učenik u tom vremenskom periodu posjećuje jednu od takozvanih kombiniranih zanatskih škola (Lehrgangsberufsschulen), probno vrijeme u poduzeću / preduzeću mora trajati najmanje šest tjedana / sedmica. U ovom vremenu zanatska obuka može se prekinuti pismeno kako od strane zanatskog učenika tako i od njegovog poslodavca i to bez navođenja razloga.

### Prekid od strane obrazovnog poduzeća / preduzeća:

Teži propusti od strane zanatskog učenika (ovlaštavaju obrazovna poduzeća / preduzeća da pismenim saopćenjem otpuste zanatskog učenika).

## **Prekid od strane zanatskog učenika:**

Ako zanatskom učeniku uvjeti za dalju zanatsku naobrazbu / dalje zanatsko obrazovanje postanu nesnosivi (neisplaćivanje, prekovremeni rad, nedovoljna i nekvalitetna obuka itd.) pismenim saopćenjem može prijevremeno (uz potpis roditelja) prekinuti zanatsku obuku u tom određenom poduzeću / preduzeću.